



瞻園文集卷第四

詩

虞浦集

下

入晉

四首

十月朔風厲凌晨渡滹沱寒冰積驛路嚴霜悴喬
柯重裘增慄慄浩飲顏難陀客程屢迴互歲月忽
以過恒山旣缺莽抱犢亦逶迤我車復西邁感慨
揚清歌

淮陰昔戰處山勢鬱崔巍當年建旗鼓智勇何壯
哉成安泚水死左車戲下來破趙方會食一舉歛
奔雷我出井陘關古路多蒿萊寒鳥夕已斂浮雲



慘不開殘碑剩遺蹟駐馬為徘徊

亂山赴西極蜿蜒不可窮高嶂摩層霄并門一線

通涼秋下霜霰昏旦蔽曛曨瀑流祇辨響色與凝

雪同戰壘吹邊聲牙旗卷朔風飛鳥尚難越丸泥

詎能封重關護燕趙天險何其雄

疲驛近壽陽皚皚積深雪飛泉瀉虹梁亂石妨車

轍古道蠹頽垣人家盡陶穴荒祠藏鸛雀枯樹鳴

鷓鴣寒風淅瀝吹手足俱皸裂邛酒不醉人憂來

自紆結

題梅花書屋為王襄璞方伯

雕甍列華軒綺窓明砥室素壁畫江山綈几盈湘

帙長筵衍清宵密坐娛永日寒冬遘春陽發生在

吹律梅花蚤續紛皎皎冰雪質迢遙羅浮夢綽約

瑤臺匹將為廣平賦媿乏雕龍筆側想胥江頭踈

花照蒼白驛使何時來臨風增太息

審交詩

海內悠悠者冠蓋紛皇都平生期管鮑一旦成蕭

朱傾蓋相綢繆中道不克俱嗟我同心友秉志執

區區莫羨桃李榮彫瘁在須臾莫為斥鷃笑決起

搶枋榆南山有松柏青枝自扶疎鸞鳳相和鳴聲

三百廿
與凡鳥殊願言宗令德金石誰能渝

醉歌行酬襄璞方伯

晉陽城邊吹暮笳故宮衰樹啼寒鴉有客飄零自
吳會高歌擊筑天一涯臨沂王公夙好士官閣開
筵生綺霞名賢能致李元禮上客還來鄧仲華小
史彈箏十五六可憐顏色穠如花堂前錯雜盈珠
鳥妙舞霓裳樂今夕中宵洗盞向曲亭擊鉢投壺
事非一寒雞再唱殘月沈主人投轄還畱客髡心
最歡飲一石東方欲曙渴烏赤騎馬歸來踏霜色

送別鄧偶樵

高吟短筑共天涯鳴犢祠邊別仲華匹馬濃霜上
黨滑千峰晚照太行斜風傳笳鼓行持節
偶樵候補按察副使
月隱帆檣更憶家暫對故人桑落酒他時驛路有
梅花

寒宵行酬金冶公

金公當代稱人豪寒宵開讌招吾曹雕盤千里致
鯖鱠美酒十斛傾蒲萄當筵忽奏關山曲翟瑜錦
帳燒紅燭銀魚學士醉更狂強學吹簫舞鸚鵡吳
兒體弱酒乍醒猶抱筵前雙玉瓶欲歸未歸久佇
立露華清冷流寒星金公豪興真無敵手把觥船

頻勸客憶自論交吳市門三年兩遇長安陌千騎
 旋看旄節行萬山復歎鱗鴻隔銅魚峰高銅鼓鳴
 錦官花開錦江碧七年無日不相思却到并州數
 疇昔少弟浮沈苦腹饑狂生瓠落蒙頭責故人相
 見且開顏戴笠乘車言不易昨日遺我錦襜褕今
 朝贈我青驪駒三關落照難分手意氣如君天下
 無

贈友

十載江湖穩釣磯跨鞍絕塞欲何依草荒白帝家
 難問瓜熟青門事更非述作千秋身未老悲歌萬
 里客將歸并州風勁霜如雪送爾離亭淚滿衣

飲王方伯署中次趙秋水韻

歲暮并州客鄉心寒雁催好尋逸少語復為景真
 來臘酒今朝熟梅花昨夜開淹留須盡醉落日敢
 言回

與歌者胡生兼示龔公子伯通 四首

急管繁絃白玉堂燈前巧作可憐妝生來南國桃
 花面却住并州近十霜

鴛鴦新製袞合歡襦公子風流絕代無昨日玉釵輕

棄擲 伯通雲中遇一羸人許至晉陽往迎得胡生遂與絕 已教密約負當壚

三百十五
阿侯催喚已斜曛結束還憐惱使君病起佳人添
意態懶將新曲過行雲

詞客當筵擊鉢時凝眸隔座酒行遲不知多少纏
頭贈抵得徐郎四首詩

將之河東不得因寄董侍郎

晨發叔虞祠遙指首陽岑駕車逝行邁願言思所
欽流年彫旅鬢條風吹客襟終然戀故鄉改塗嵩
嶽陰回轡伯樂坂四牡方駸駸龍魚赴淵澤晨風
棲北林瞻望不可見飛鴻將遠音庶幾惠方訊珍
重踰南金

發太原塗中述懷寄襄璞五十韻

客有窮愁者驅車過晉陽山河臨趙代風俗記陶
唐秋草連天白寒雲帶郭黃翦桐封域古避暑故
宮涼清嘯劉琨壘悲風孤突鄉并州霜萬戶汾水
雁千行但貫當壚酒誰分透壁光高吟還躑躅短
鋏復傍徨意氣逢王濟聲名邁鄭莊長松聲謾謾
清鏡水汪汪右輔資彈壓西陲詠樂康衙齋閒下
榻官閣靜焚香列坐盈廚顧當筵奏羽商分題催
五夜行酒約三章明月侵綈几梅花落筆牀侵階
栽芍藥滿壁畫瀟湘倚樹同棲壑臨流似泛航張

燈綺席換進饌玉盤將茗豈王濛兀鯖嗤樓護嘗
 江鄉來橘柚海國致魴鱠刻蠟恒投轄聞雞尚挽
 裳高談飛玉屑妙理闡珠囊射覆竒能中投壺巧
 莫當圍碁推謝傅書體辨袁昂黃絹摩碑刻青萍
 拂劔鋌醉容阮籍傲笑怒陸雲狂題鳳過蕭寺停
 驂問草堂淹畱逢歲臘荏苒紀春王綵勝縈鄉夢
 椒花酌旅觴雲飛違定省草長憶池塘筆策聽終
 苦驪駒去欲忙贈言呵凍瓦揮涕濕行裝雙壁同
 薇署聯吟隔苑牆旄麾臨祖帳賓從上河梁才絕
 龍沙客名高騎省郎千秋期共勗兩地意難忘落

日洞渦暮浮雲句注蒼銅鞮存舊邑赤狄本巖疆
 廢驛尤如豹空山石似羊春寒行上黨冰滑渡清
 漳石室迷仙徑長平弔戰場豐碑傳孔氏遺廟肅
 炎皇歇馬太行麓烹魚獲澤旁美人貽錦繡都尉
 賦鴛鴦蛩蟹看投分參辰倏異方志同櫪驥伏時
 比蟄龍藏性癖嵇中散知希虞仲翔吹噓生羽翻
 翦拂待騰驤橫笛思千里披襟攬八荒碧霞橫海
 嶠歸路指微茫

送犀公入廬山西林

遠公朝別我獨自向西林去路白雲合到時芳艸

三五二
深浮杯星子岸洗鉢虎谿陰異日陶居士聞鐘何處尋
士玉

荅越辰六見贈作二首

之子東南秀才名動碧雞折梅經嶺外走馬到天
西來憩窪樽石行過罨畫溪羊車看洗馬樂廣譽

真齋

辰六見湖州太守茵次壻

犧榜經邗水驅車入帝城幾年知姓氏今日慰平生
堂是碧瀾舊樓仍韻海名從君此吟嘯不淺折
麻情

贈吳茵次四首

十年羽獵薦雄文畫省風流獨數君按部旌麾千
騎出行春詩句五湖聞香消夢憶青綾被興到書
題白練裙最是政閒豪興在禊堂賓從日如雲
隋隄碧柳曲江花才子揮毫賦落霞夜坐石牀題
險韻朝逢竹馬擁行車春來醅發烏程酒雨過香
生顧渚茶莫憶竹西歌吹好前溪妙舞盡吳娃
官舍焚香簿領閒清風高韻是神仙右軍載酒羅
車騎小杜題詩雜管絃笠澤水光晴鏡裏弁山樹
色晚霞邊江湖長可輕官職五馬如乘范蠡船
官梅東閣復何如有客飄零歎曳裾勝蹟聊尋李

左相斷碑還問沈尚書正逢花信三春半欲話交情廿載初慚媿風塵猶袒裼可能相憶下熊車

禊日愛山臺分韻

繇花三月徧菰城太守筵開禊閣晴湖上翠微懸塔影雨餘碧樹待鶯聲試談往事聽前輩為愛佳辰集友生送客畱髡重翦燭厭厭河漢欲三更

贈陳子壽

不見陳遵近十年相思擬泛尚湖船豈知作客菰城道却得相逢禊閣前感舊驢鳴孫楚逝子壽與扶桑友善方他鄉寒食多風雨握子壽方葬親銜哀免擾蔡邕賢

手高吟一愴然

贈吳石葉二首

初日芙蓉豔才華迥不同吟詩官閣裏聽瑟画樓中賦就驚宗袞梅邨先生極賞石葉篇成播國風荷衣今羨汝

媿我已成翁

王謝吳興守由來父子傳人看居末座事定逼前賢珠玉神偏王驂騑步欲先他時重接武不數永和年

逸少安石皆父子為吳興守

贈茆再馨

暨陽分手日忽復一年餘作客書難達經秋夢亦

疎譚經絳帳，笛鼓鈇碧川。魚綈几湖山，在相看逸興舒。

走筆招園次 三首

辛夷花謝海棠開，碧幌和風燕子回。貫得箬溪新釀酒，待君騶騎草堂來。

君家祭酒最風流，侍御聲名動歙州。吳侍御方漣平子更

攜清玉案，張菊人會須同泛白蘋洲。

碧瀾堂畔每趨陪，义手詩成絕代材。喜有羊何酬好句，莫因簿領廢銜杯。

峴山示園次 三首

亭畔窪樽在人知，杯飲風冥搜元李。相欣賞復吳公城郭蒼茫外，溪山杳藹中未妨。酪酏醉歸騎與

君同 窪樽亭

塔勢侵斜漢，湖光抱遠峰。使君誇盛事，逸老問高蹤。雨過泉聲滑，春殘樹色濃。當時猿鶴侶，折簡到

吳淞 逸老堂 正德間逸老會峴山人張寰與焉

此地稱賢牧，千秋有數公。丹青祠廟在，姓氏簡編中。寂寂臨春澗，寥寥逼梵宮。傳芭勞里賽，側想古

人風 九賢祠

湖州送張菊人 四首

碧浪湖邊桑葉齊
夾山漾口早鶯啼
相逢莫漫愁
離別筮酒新香醉似泥

片帆隨雁下衡陽
楚客歸裁荷芰裳
四壁閒看宗炳畫
可能無夢憶瀟湘

難忘崇臺被禊時
蒲帆十幅去應遲
吳興太守清狂甚
送客高吟白紵詞

句曲千林護翠微
仙壇白鶴入雲飛
羨君紫氎翩然去
獨向華陽洞口歸

贈趙秋水 四首

鳴犢祠邊別爾歸
雷塘重見涕沾衣
可憐楊白花

如雪却逐東風處處飛

叢臺古道雜車輪
獨立人看趙景真
少小曾交燕趙客
此髯超逸世無倫

官閣屠蘇設宴時
分題刻燭夜吟詩
煩君寄語王懷祖
愛客風流更阿誰

洛州處士在牆東
小弟承恩騎省中
申鳥盟 隨叔 若問婁

江近消息穆穆短髮已成翁

吳江旅舍示弘人孝威

伏閉江城客支離
洛下吟慣辭熱客
去不厭故人尋病為
酒杯劇愁兼暑喝
侵此中饒野興
几簞接

二百五十四
松陰

贈弘人

相逢多難後，憐爾二毛生。
憶弟風霜劇，思親涕淚橫。
延陵喪子痛，奉倩悼亡情。
莫以窮愁累，須傳千載名。

贈李蠖菴 二首

此地清風在，如君廉者稀。
去官還自喜，作客竟難歸。
饑只看塵甑，寒惟綻故衣。
翛然同野鶴，談笑每忘機。

意氣凌霄漢，中情豈暫忘。
山椒頻蠟屐，夜館或飛觴。
落筆多遒勁，論文愛老蒼。
濁醪應已熟，無復問行藏。

清明日吳伯成明府招飲

感君無限意，密坐向深更。
酒碧濃于柿，歌清細抵鶯。
新詩吟夜館，纖月落春城。
客散驚烏起，瀟瀟涼笛聲。

秦對巖齋中小集限韻口占

使君乘興至，幽徑俗塵無。
共結江臯佩，誰探象罔珠。
東南稱地主，詩酒笑狂夫。
雨後花欄靜，春風入畫圖。

別伯成 三首

莫嫌屈百里尺木佇雲霄

尺木堂名伯成先擢大行今秋當代去

借寇車還

駐思家旌獨搖秋風京口渡寒月廣陵潮旦晚飛

騰去千人折柳條

治行誰能並風流亦可師放衙還命酒判牘雅裁

詩狂作張芝艸閒消謝傅碁龍山雲起處松鬣最

離披

相見無苛禮深懷在不言泛舟尋野寺看竹過名

園月向吟時白花隨醉處繁平生知己恨詎復似

虞翻

伯成坐中即事口占 二首

佳人慵倚合歡牀繡佛閒身已十霜向客陳辭最

慷慨如何天壤有王郎

燕子銜泥出畫堂使君深惜舊雕梁不嫌推髻廡

閒住此地從來說孟光

送王石谷之秣陵謁周櫟園使君 四首

虞仲祠前三徑紆聞君蹤跡慣江湖相逢第二泉

邊路萬樹秋晴入畫圖

石谷摹宣和江渚秋晴卷甚精

祇今粉繪許誰工老輩婁江二妙同聞道比來都

閣筆說君真過石田翁

王奉常謂石谷畫品在沈石田上

三九十一
世明
獨立儵然意氣真
右丞高潔是前身
藍田輞水平
生意莫向王門奏
鬱輪

六幅蒲帆兩岼楓
未妨載筆問宗工
使君傑閣連
雲起建業千山在
眼中

口號示伯成 六首

微霜初下曉風寒
千里關河欲跨鞍
橘柚乍黃楓
漸赤正逢好景別
君難

金縷銀船醉共吟
清宵燭跋漏沈沈
由來天監年
時水別恨平添一
丈深

畫舫遲遲愜勝遊
東南文士此淹留
清狂近有焚

魚客好句先題雲
起樓 時葉訥茶將至梁谿

衙齋風雨亦相招
賭墅圍棋逸興饒
頭責休嫌秦

子羽故人舉手待
雲霄 謂秦雷仙

君家騎省好聲名
耕方桑葉尊前百感生
精衛朝朝銜木石
幾時滄海放春耕

扶風門下有康成
憔悴當筵濯短纓
醉裏忽思廿載事
翩翩輕俠是劉生 震脩

佳人篇贈盛珍示

佳人深閨裏
初日照豔姿
炙簧更調瑟
敏妙工言詞
逾時乃得嫁
猶然守空幃
手持盤龍鏡
常恐朱

顏衰黽勉事機杼婦職固當為平日理流黃札札
 烏啼時織成錦繡段五色紛葳蕤一匹直十鎰見
 者爭歎咨婉孌真絕世辛苦良不辭翩然東鄰女
 花間曳履綦倚門雖云好未若刺繡宜

李陽驛

地是池陽舊程還姑孰西背江僧寺出傍岼戍樓
 齊水落潛蛟徙風高班馬嘶人烟皖國近樹色宛
 陵迷春入輕萋長山橫斷靄低颿檣集估客市井
 宅遺黎隔歲荒禾稼頻年畏鼓鼙沙平晨放犢邨
 遠午聞雞孤嶼漁人宿空梁燕子棲我來多感慨

驛壁醉重題

李陽驛迴瀾閣次丘季貞壁間韻 二首

江流對皖口短棹此經過覓酒荒邨少題詩古驛
 多高樓巢燕雀落日走鼃鼃匹練愁還遠當窻發
 浩歌

父老言驕將當年鐵騎過羽書樊口盛戰壘石頭
 多岼草飛青燐江潮舞白鬣臨風憑遠眺感動一
 悲歌

三疊季貞韻

丘遲入荆楚錦纜此曾過黃絹辭真妙青衫淚已

多佛燈寒竄鼠戍鼓夜鳴鼉子亦飄零者還來倚
檻歌

石亭寺鈞天閣

寺係唐觀察使韋丹
祠丹封武陽郡公

落日洪州外雕甍百尺樓丹青賢牧往祠廟武陽
畱亭借松門石花深佛殿秋銘辭張載重篆筆李
邕道閣並滕王迴窻臨章水流舟車千里集烟火
萬家收明月桓伊笛清尊絳樹謳爐香青泛泛草
露白浮浮鞵鞞江聲壯琤琮木葉愁鈞天真聽樂
應勝夢時遊

滕王閣

帝子畱高閣嵯峩壯豫章江連吳楚闊山指越閩
蒼画棟臨馳道雕甍帶女牆賢侯開廣讌才子獨
專場勝事傳來舊風流孰可方山川遼鶴異歲月
劫灰長故壘飛青燐殘碑卧白楊俄來庾開府重
見魯靈光工似胡寬巧書還韋誕長璇題懸曲檻
繡戶繞迴廊壯麗欺黃鶴孤高想岳陽笙歌人駐
馬冠蓋客傳觴南浦輕綃卷西山繡幄張縱橫羅
井邑來往送帆檣雲近當軒濕風微入牖涼招尋
閒躡屐感慨乍沾裳搖落經窮海飄零睇故鄉憑
高攀古蹟酌酒弔王郎祇願風帆轉飛騰過馬當

三四九
贈汪徵五

清霜被江甸離離楓樹林有客過鄂渚倚櫂多悲吟
疇昔崔李輩風旣心所欽美人旣已往瞻眺空
嶮峻夫子客沔口託寄感慨深涖官早落拓覽勝
遂滯淫濯纓就滄浪抱甕息漢陰庶幾昔賢躅慰
予饑渴心

黎媿曾九日招飲賦贈

使君旌旆駐江濱佳節招尋會故人雁帛不逢虛
憶弟萸囊欲佩轉思親共傾三雅成詩捷莫厭雙
鳧折簡頻黃菊青楓淹歲月龍山北望倍傷神

愚山招飲李維饒園和韻

群公車蓋會平泉漫遣羈人赴玳筵鴻雁叫霜天
半冷芙蓉著雨鏡中妍美人佳句琅玕贈公子遙
情杜若牽明日芒屨廬嶽去思君多在水簾邊

聞元仗學使校士德安安陸襄陽輒有此

寄 三首

雙旌行部正威遲勝蹟江山覽眺宜擊汰帆過雲
夢澤鳴騶路指鷓鴣陂霞明似幔花開處月白如
霜雁到時却罷清尊啜清茗諸生環侍絳紗帷
名邦雲杜漢時稱此日龍門羨次李膺明月珮憐交

甫去清風臺憶楚王登百年王氣消興邱七澤詞
 人誤竟陵定有楸楠材可採工師加手便從繩
 襄南形勝近淮西十載時平息鼓擊酒熟宜城香
 灑灑碑荒峴首草淒淒卧龍岡上廬猶在騎馬池
 頭路不迷為說陽春方見賞兒童休唱白銅鞮

至武昌值元仗往湖南

寂寥橫江館突兀黃鶴樓江風蹙飛浪日夕搖孤
 舟所親在沔漢庶以申綢繆詎圖木蘭柹迺涉瀟
 湘流瀟湘千餘里旌旆何悠悠月明青草听雁叫
 黃陵秋張樂軒轅聽蕩瑟靈妃遊吾欲往從之道
 路阻且脩蕭蕭鬢髮變冉冉芳歲邁安得酈醪酒
 一飲銷百憂

武昌值丘近夫將歸作四絕句送之

使君飛蓋洞庭濬鼓吹喧闐堯女祠官舍蓬蒿門
 自鎖高吟抱膝有丘遲

鴻鴈江天相背飛我來鄂渚子方歸扁舟東下風
 偏利欲寄家書淚滿衣

苦竹青青楓葉丹楚山楚水帶愁看莫因地煖忘
 添絮路過湓城便苦寒

老親健飯杖鄉年覓伴時須沽酒錢長跼開囊奉

匹綰羨君真不異神仙

楚中詠懷古蹟 十二首

廣燕亭

鄂王有故城江東建赤縣樊山在其陽落日照春
殿北退皖口兵西罷猗亭戰釣臺高嵯峩君臣極
歡讌雖非混一時雄畧千古見吾誦謝眺詩揚舲
去還戀荒亭倚大江奔流疾如箭霜楓下吳宮夜
猿吟楚甸霸圖久銷沈殘霞尚餘絢

陶公宅

典午喪亂餘大厦將傾倒赫赫陶長沙江東資再
造羽葆巴丘來居中便征討南陵至白帝威行萬
里道榮寵極人臣勲名兼壽考天門翼雖折祠廟
圖丹青石樽出廢宅柳色明郊坰斯人雖已泯仿
彿思精靈

南樓

南樓月上時元規甚瀟灑長嘯據胡牀縱橫命觴
竿是時方清宴江介無戎馬物望殷深源清言褚
季野賓佐堪畱連山川足吟寫千古庾征西流傳
入風雅一朝召寇至宮省如亂蓬膝屈陶太尉心
慚鍾侍中狼狽尚征鎮茂弘愁西風雖荷棟梁任

曾無分寸功猶餘清興發差與名士同

黃鶴樓

江漢日夕流危磯立黃鵠當時騎鶴人餐霞色如玉空山一翱翔千載傳芳躅飛樓高入雲決莽興遙矚東津指吳會西驛連巴蜀鱗鱗駐征帆翩翩集華轂彼美發高吟哲匠不能續撫景空徘徊揮翰復局蹙至今綺井間寥寥郢中曲

赤壁

雒京亡劔璽中原豺虎爭曹氏吞袁劉指顧六合并鼓行下襄峴電發趨蠻荆豫州甫顛躓江表亦

震驚刻日治軍獵衆議銜璧迎英雄裂昔怒斫案攘袂行先聲仗公瑾妙算契孔明艤艫一炬燼煙燄飛縱橫一奏烏林捷三分勢乃成我行赤壁下古戎寒鴉鳴英雄今則無懷哉阮步兵

岳陽樓

岷江下巴陵南連洞庭水城郭臨蒼茫萬象窮指視飛甍雉堞間賢牧昔經始江山有靈境屹然壯千里融風忽以扇蔓草存遺址停艫一騁望水勢空瀾瀾涪陽下微霜木落彫芳芷帆隨飛鴈沒月向夕波起羈客逢暮節萬感寸心裏況茲懷古情

三百八十一
慨歎靡窮已

軒轅臺

軒轅駕六轡南紀窮熊湘張樂洞庭野旌旗凌八
荒鑄鼎荆山下騎龍升帝鄉小臣攀髯墮仰視涕
浪浪傳聞昇仙處極目空青蒼墳典旣闕略方士
多荒唐徒令茂陵客濡足還褰裳

黃陵廟

重華狩蒼梧二妃止江汜翠輦不復回南楚悲風
起腸斷九疑峰淚迸瀟湘水環珮辭人間古廟蒼
烟裏湛湛芳桂醑尚酌帝子靈鼓瑟馮夷舞啼猿
山鬼聽秦皇赭伐後竹樹常蔥青

汨羅江

靈均旣放逐憔悴浮湘沅悲憤作離騷託寓多煩
冤取舍龜策卜醒醉漁父言身沈汨羅水國事誰
與論汨羅波浩浩日夕荆郢奔嗟哉蘭臺客四遠
招爾魂靈氣感風雨僚慄愁乾坤天意令窮厄千
秋風雅存

賈誼故居

年少洛陽生絳灌皆側目遭遇漢文帝上書猶痛
哭故居五畝宅傳在湘川陰所思不可見一望惟

楓林

鄴侯宅

南嶽迴嶙峋樓觀紛迤邐中有鄴侯居空岫白雲
起蹲鴟食半殘松花落未已俯仰但陳迹蒼翠藏
深廬緬思玉軸富插架三萬餘宰相與神仙何能
廢讀書

孔明廟

雙流蒸湘水獨秀石鼓山直北拱衡嶽四向紛烟
鬟武侯駐車處遺廟蒼厓間草猶青綸色花似朱
旗殷日暝山氣落流水聽潺潺吾聞渡瀘後為討

西南巒此地一來往千古還追攀

衡陽贈余西崖

片帆隨鴈到衡陽氣誼君還似鄭莊曲隰雨深埋
辟荔小池春靜繞篔簹看換字籠階下鶴為留
嶺舞榻旁苦畏折腰辭五斗便隨漁艇泛瀟湘

寄宋牧仲時為黃州別駕

黃州雄郡淮楚交昔日邾城蕞爾地甘寧得檄不
甯行陶侃臨江議欲棄習戰空聞黃祖軍分兵竟
誤征西計蘄春北渡人煙稀隔岸樊山見旗幟一
自車書混一年永安重鎮朱旛至木陵關口近仙

家綠楊隄畔多遊騎竹樓青絕雪堂間人物風流
自茲異梁園才人相家子出入明光執戟侍翱翔
合在鳳凰池佐郡一麾寧稱意天令江介識王祥
碧油車憶青絲轡雅頌應教變楚聲廉平自足風
群吏昨予來食武昌魚君方謁帝承明廬錄別酒
樓餘十載石頭屢誤洪喬書一鶴西飛掠江面臨
臯清夢今何如

詠雁寄舍弟

霜天一去遠龍堆暗逐流年羽翻摧太華偶看仙
掌度上林還帶帛書來橫斜彭蠡秋風冷嘹唳湘
江夜雨哀縱復稻梁堪繫戀路過衡嶽倦應回

贈某上人

二首

不道彌天釋閒園借一龕名流嘗避席老宿許同
參氣結青牛紉光騰白馬函那知吟嘯地浩劫見
優曇

趺坐繩牀穩無須縛草鞵看山真不厭小住亦爲
佳梧竹閒侵目蛟龍夢入懷嗟予京洛去難忘是
蕭齋

懷舅氏

自別維亭二載餘風塵驅走近何如伯鸞慷慨思

浮海正則羈愁未卜居亂後相逢憐舊雨客中多
累是殘書何時歸守先人墓出入遨遊下澤車

同吳玉隨觀妓劇飲山園和玉隨韻

春深楊柳動晴絲急管繁絃促賦詩鄴下獨推吳
季重樓頭誰比杜紅兒雲生遠岫迷遊屐日落飛
花到酒卮倒著接離郊外去吹簫擊筑任吾之

答方爾止

高名海內重方干紫艷風流老輩看酒後談諧宵
更劇客中圖史晝常攤韻探王沈千秋祕篆擬冰
斯六體完何處尋君頻問字清淮水碧釣磯寒

送家兄孚若北上

鶯粟花開春色闌送兄匹馬向長安一尊酒盡傷
離別萬里風高刷羽翰盛事橋門方駐蹕名流碣
館獨登壇洛中仍有東西舍驪唱何須說路難

贈亳州諸故人用顏餐園六年前酬唱元韻

譙國高臺繫馬處重來風景復何如竹林曾款嵇
公鍛斐几猶存逸少書白練望鄉千里外青尊惜
別六年餘長卿犢鼻今還在鏡裏朱顏不似初

再贈餐園

匹馬梁園辭爾去紵衣款款定交初常思雨雪王

猷棹每怪浮沈殷羨書芍藥花開三巳後蒲萄酒
泛五更餘羨君白髮才猶健擊鉢詩成媿不如

錦雞

雙鳥比翼翔來至六夢國朝日振羽毛陸離耀五
色主人嘉靈表彫籠置戶側香稻玉盤寒俯仰安
啄食薄軀荷殊恩庶幾自脩飾

餐園招飲次韻

陳王千載去無復建安初草長嵇公竈碑荒梁鵠
書金籤委地久玉軸作塵餘羨爾縹緗富百城擁
自如

題涿州店壁

行過樓桑路悲歌獨苦辛幾番題壁客十載上書
人馬鐸終宵漏牛車盡日塵不逢荀濟北那識是
勞薪

惺園文集卷第四

惺園文集卷第五

詩 詞館集上

及第紀恩示同年蔡石公孫岷瞻

席帽頻年挾策遊叨蒙一第 主恩優同時名姓
稱龍尾幾部笙簫簇馬頭懸綵御街金榜出開筵
大府玉觴畱送歸鹵簿寒儒邸九陌人爭看擁騶

春讌書事

名園開讌賞折簡荷招攜花霧濃雞舌苔痕溼馬
蹄地爭野老席山接相公隄淺藻看魚戲踈篁待
鳳棲削峰侵碧落壘石架丹梯蝶欲穿藜宿鶯偏

駐柳啼弓聲乾霹靂橋影濕虹霓桐汗霞蒸潤松
 濤月暈低歌鬢鬆玉櫛舞袖拂金鑰綽約疑蓬島
 風流勝會稽坐來天遠近見處水東西綵筆凌鸚
 鵝鞞刀瑩鷓鴣時珍嘗比目土物擘團臍韻牒催
 詩急觴條勒飲齊號呶交履鳥鄭重出繒綈莫惜
 春將晚何妨醉似泥

喜汪蛟門至和沈康臣韻 二首

目斷維揚信新秋好促裝有詩題野館無策壯奚
 囊埽榻涼初至挑燈醉不妨故人同失喜欸欸對
 壺觴

別後登臨興應知屐屢穿且傾燕市酒須著祖生
 鞭征雁隨人至秋花刺眼然紅塵十丈起好為解
 金鞵

上王敬齋宗伯

丹陛推耆舊烏衣絕等倫一經延盛德萬世繼先
 民報主文章在興王禮樂陳全家依日月獨步上
 星辰論已推公望朝方藉國楨趨庭金駟裏接武
 玉璘珣世典蘭臺重門栽槐樹新同時鏘劍佩並
 室畫麒麟自可傳弓冶何須遜渭莘蘇公原有子
 李泌漫尋真赤烏埽元老青山領大臣閒披白鶴

斃時側紫綸巾鑿沼依靈囿澆蔬引御津五千箋
道德六一籍周秦洛下開名社香臺洽隱淪神僊
兼翰墨泉石寓經綸詩句留傳遍雲煙過眼親菊
枝黃似錦蟾影碧如銀書帶沿堦草花香接砌茵
銅盤催進酒絳燭幾留賓聖代存喬木瀛寰頌大
椿陽和回律琯洞壑盡生春

送閻華亭

送別津亭晚秋槐落滿茵應知三泖上已有欲絲
蓴過壠禾承幘開衙鶴近人扁舟吾亦往百里坐
陽春

送清豐令

赤縣連畿輔蒼生倚上才剽錐猶出俗煦育自嬰
孩粉堞河依岼琴堂艸沒堦休卑千室吏初向日
邊來

送金君之任雲南

憐君東閣舊選牧自才賢六詔分符出雙童夾轂
前山峰疑太乙水氣是溫泉別路晨裝外猿聲墮
碧煙

送宗鶴問之吳興

十年詞賦重三都託興煙霞五嶽圖曾共張華遊

上洛還因柳惲過西吳同心幸結江臯佩好句頻
探罔象珠況有吳山看不厭烏程是處酒家壚

送宋荔裳觀察兩川

劍閣青山外蠶蠶聚驛路西行旌紫氣飛蓋指青
霓健翮凌鷹隼霜華淬鷲鷲山公曾薦達宋玉解
招攜秦隴烟雲隔江潮草樹迷書因探禹穴花為
種蘇堤案部常隨雨占星屢聚奎儒臣看挺拔公
望養端倪遂有脩蛾怨還驚暮鳩啼賢人愁市虎
謗語及文犀蠟屐畱吳苑清尊滯越溪蒼生看擁
節賓從復歌驪叱馭新逢蜀觀風舊屬齊荒城山
狃響棧路棘人棲印笱真能論峨眉竟可梯新詩
傳織罽雅化遍耕犁今已標銅斗神應祀碧雞後
時聞報政高步向金閨

座主柏鄉相公齋中小坐

高平相業重西京鉅鹿風標繼盛名正色朝端知
灑度蠲租海內頌昇平千秋著作垂金鑑萬國平
章倚玉衡會得微言濂洛意居然黃閣一書生

上座主合肥先生

嶽靈鍾大蜀斗瑞降長庚人以名山重天原間氣
生無雙推國士二十領專城楚豫稜氛盛江黃草

木驚潢池羣金沸渤海獨春耕鳳紙徵書急螭均
召對榮龍鱗曾獨犯虎尾敢相櫻髮繫千鈞重身
扶廣厦傾運移終漢祚 帝眷借周楨積霧難終
隱高岡待一鳴行藏關否泰出處為蒼黥借箸勤
謀略陳書策治平違時寧戇直報國有精誠絳灌
才還忌弘湯意獨輕窮簷遙待澤中禁蚤揚聲温
語稱才子閒曹領大晟於菟三已仕縫掖半逢迎
石鼓無氈坐枕柳奉詔行圖還尋夢卜賦自獻河
清文景開星象君宗屬舊盟有功心豈弟公叔望
崢嶸夏屋烏爰止洪波魚不頰雞鳴朝放赦鈴靜
夜談兵密奏災祥息昌言氣象宏回天雙赤手砥
柱一孤莖常伯峨冠珮和風協磬笙惟金堪作鑑
有玉藉持衡冀野搜羣駿滄溟跋大鯨瞻雲同御
李立雪早依程馬廩傳經秘龍門躡履盈論詩呼
卜氏讀易進公明溟海誰能測華鐘日待鏗珊瑚
裝孝穆楊柳賦蘭成東璧元書府南樓但酒鐺斯
文真有主我道喜長亨近得神仙侶還尋大藥烹
五千柱史與三百絳衣羸祇恐黃麻至難將綠野
營六鼇連極動八柱入雲擎司馬宜專相蕭何不
贊名訂謨身未老逸嘯興還并秋水長投釣春楓

坐聽鶯初陽廻弱線介酌注深觥綵袖麒麟秀孫
枝棣萼萌椒花持獻頌柏子駐調羹一奏巴渝曲
誰將雅調賡

茗文假歸次宗伯王先生韻送之 四首

頻為京雒客漸覺故人稀君到無多日那堪又送
歸出門霜氣迴極目練光微一奏驪駒曲紛紛木
葉飛

看君如野鶴流響入層雲著作千秋得聲名薄海
聞間居潘令賦釋勸士安文獨向滄州去行藏迴
不羣

為郎十餘載四壁總蕭然婚嫁都無累漁樵別有
天流觴三已禊卷幔五湖船應訪靈威老探書林
屋偏

驅馬頻寒暑風塵強舉杯不言征路苦好及早春
回匹馬蘆溝雪孤亭鄧尉梅儻逢飛鳥便頻寄尺
書來

康熙九年十二月十九日

上召對 弘德殿學士 臣 哈占引 臣 啓傳 臣 在豐

臣 乾學 臣 牛鈕 臣 博濟 臣 德格勒 臣 沈

獨立以次奏事畢 命 臣 啓傳 臣 在豐

臣 乾學進 殿內分立 御座旁

上曰今日無事汝三人可各賦一詩滿庶吉士講

書可也中涓傳 旨賜坐詩成並蒙

睿獎 賜茶而出

承恩趨建禮待曉入明光萬戶聽寒漏千官踏早

霜宮雲回雪霽禁樹帶春陽鵠立聞 天語鷓聯

拂 御香恤民同舜禹論道溯炎黃何幸 宸顏

近方忻化日長牙籤標甲乙玉軸富縑緗講學超

崇政題詩邁柏梁蓬池慚始進騎省媿為郎願得

探柔翰長依 黼座旁

送黔撫

海岱文章伯蓬瀛侍從臣謨謀資啟沃敷歷著經

綸典禮容臺肅詳刑棘寺仁公才持藻鑑群品荷陶

甄 帝眷班行最臣勞出入均九霄頒玉節萬里

動熊輪險阨南邊重聲馳嶺表新盤江通楚蜀黔

塞控滇閩節制雄諸鎮懷柔格九濱霜威消瘴氣

冕服佩文身銅柱功誰敵龍標句若神即看回節

鉞佇待履星辰擣散初通籍門牆忝望塵乍忻依

鳳采俄見運鷗鱗鑠鑰才真老驪駒戀倍親青門

開祖帳紅樹俯華茵衰草天南路垂楊笛裏春持

將報 明主早晚候平津

次陳子萬卜居韻

公子經年此儻居烏衣門巷已成虛飄零何異遼
東榻蹉跎還看下澤車春發小齋花掩冉風迴幽
徑竹蕭疎殘書賸有千餘卷好借鄰燈照屋廬

座主相國魏公五十壽

元老尊黃閣中台翊紫宸禎符樞運斗泰道日重
輪 主聖資為楫 王言吐若綸卜年扶孔固必
世合歸仁軒曆垂衣日虞階舞羽旬封章利病荅
損益質文因坐論從容對游歌泮渙陳由來聞弼

亮尚憶策天人吾道尊先覺群言擇大醇臨軒還

特簡開館即初甄封駁黃門夕敷揚紫禁晨彈

文依綠仗諫草展華茵股栗群僚憚容肥四海春

繁香羅蕙蒞勁節老松筠卿月升 皇路台階領

要津柏梁躋獨座 楓陛秉洪鈞亞相中書並天

卿上宰掄十科憑弊吏九品辨官人玉燭調俱正

金甌卜更新總師仍立相一德實成鄰赤舄徐聽

履丹裳儼奉紳陰陽和併燮天地贊維寅材藝膚

偏遜平章政已均士猶三吐接書讀白篇頻大禮

真須制茲文幸未湮皇初探簡策正始闢荆榛詩

擅豳風美書窮楚相真切磋歌綠竹考驗識丹蘋
 如貫俱歸約多能是席珍賦應早屈宋學已洞關
 閩黃髮他時豫丹書此日詢雙星浮漢月五老下
 空辰世際書銜鳳人占紱繫麟數盈當卜魏極峻
 正生申大斗宜初酌朱輪會並臻宮牆下士陋圭
 竇草衣貧經許升堦執才非入室倫源泉瞻宿海
 象緯仰秋旻把土辭難罄歌風誘善循但期平格
 壽耕鑿共堯民

病中口占示立齋弟

二首

累汝真憔悴經旬未解衣愁顏常似結緩帶不成
 圍量冰晨投藥移燈夜欵扉前人稱庾袞如此故
 應稀

爾病復多日沈憂更百端據牀疑宿醉擁絮為微
 寒浮梗渾難定棲枝總未安時方移寓且拚扶杖起共覩
 月團圓

述病示彭橫山給事

四首

禁門簪筆數群公寓直叨陪騎省中詎有沈憂成
 躑躅不堪瘦影自氈氈御香鎮日春雲擷宮柳終
 朝細雨濛濛得西鄰青瑣客劇憐愁病昔年同
 銀海微波一路通黑圓無恙愧方瞳時病目懸珠準擬

東方朔巖電虛傳王濬冲乍見微雲來點綴俄驚
 初暈已朦朧東華十丈紅塵起常在迷離倦眼中
 昨宵秉燭檢殘編胠篋何人一惘然却笑卮言亡
 敝帚祇餘故物是青氈秘書堪借愁多病著作無
 成過壯年愛弟從容還告我減除思慮好安眠
 驛路三千憶故鄉涓涓清淚滴衣裳角弓彷彿侵
 杯影白馬依稀認練光向午支頤拋舊帙逢人感
 額問良方禁林誦讀真無分祇合荷衣向草堂

柏鄉公致政 二首

黃閣功名照史編兩朝弼亮 主恩專嘉謨已效

貞觀代擘畫仍高地節年濟世黑頭看補衮辭榮
 華髮羨歸田 聖明丙夜方前席未許銜杯樂避
 賢

金鑑丹宸夢不忘東山此去興偏長歸裝鄴架三
 千卷生計成都八百桑龍腹曾蒙題姓字桃陰却
 喜傍宮牆斗南極望情何限好為蒼生檢藥囊

送張禮存編脩南還寄詢尊人湘曉先生

鐵甕城開壓潮汐長江混混連天碧上有黃鶴峻
 嶒之高峰下有神仙留侯之第宅留侯家世玉為
 堂兄弟聯翩珠樹行一朝裘馬辭天闕詐為尊鱸

憶故鄉 君恩特許羞甘旨秋水揚帆幾千里屈
 指登堂拜慶時蟹紫花黃家醞美君家堂上老司
 空海內人呼張長公玉珮池頭身是鳳冰壺洛下
 嶽為崧公才自合推公望 御書姓氏丹宸上東
 山暫許謝安閒洛下還須司馬相文采風流世莫
 倫膝前都是佩魚人丹心共吐酬明主白髮爭先
 奉老親君家父子有至理子舍朝堂總一視大男
 省侍中男留 君親之間差可矣走也詩因愛弟
 題兩間瓦屋各東西浮名遠愧雞棲樹返哺空憐
 烏夜啼送客南歸魂欲動況忝通家李與孔贈子
 金莖露百壺綵衣歸向高堂捧花發驪駒不肯留
 有人天際望埽舟秋風直上三山頂江月長懸萬
 歲樓

題益詠堂為宋長元先生

往者天啓歲丙寅宋公出宰清豐民清豐千古頓
 丘地俗異鄒魯長斷斷大猾推埋復剽劫探丸赤
 白誰能馴公縛渠魁肆諸市夜犬不復聞狺狺比
 閭井牧始安堵農桑水旱時撫循官代馬解紆民
 屯催科不擾差徭均薦剡課績奏天子陟于朝署
 優賢臣生為立祠肅香火麗牲碑下虔明禋宋公

有子官再達停車瞻拜還逡巡父老見之嘆且泣
 乞公畫像垂千春至今歲月亦已久桐鄉遺愛終
 難泯公晉司勳亦典禮與贈太僕鑄貞珉炳耀大
 節揚千億賢臣之後宜振振循良一德天所贊子
 居朝右身為神溪毛澗水足千載何須彩筆圖麒
 麟

送曾青藜歸上母夫人壽 二首

洛中乍寫三都賦記室如何苦憶歸桂樹未須招
 隱伴蘭陔只自戀庭闈堂前紗幔顏猶好殿上肩
 輿事已非但使鳳毛聲價在千秋圖傳有光輝

侍郎勲業存鍾鼎無恙魚軒素髮新舊識士龍纔
 入洛又看歸馬為寧親青來彭澤天低浪白轉匡
 廬瀑近人好向麻姑問桑海丹砂移駐北堂春

西苑 四首

丹禁晴開晝漏遲上林春水綠逶迤金堤柳弱龍
 媒下玉殿花深雉尾移淑氣暗通三島月和風先
 拂萬年枝宸遊扈蹕宜春院多是天街燈火時
 綵橋珠箔壓芳塘玉露金莖接建章三素雲霞融
 晚色九成臺殿護朝涼樓船乍泛荷風動闌檻平
 臨苻帶長最是昇平多暇日從臣無事奏長楊

馳道朝回散玉珂
簫韶初引翠華過
西山碧巘排
窻入北闕彤雲傍
輦多隱隱宮堤圍
御幄迢迢
水殿接明河臨風
睿藻飛揚甚不數
橫汾一曲

歌

太液凝雲淡不高
水邊亭榭迢迢
蓬萊雪滿初
移蹕鳩鵲寒多散
早朝絳節爐煙紫
別殿玉河帆
影凍平橋東郊未轉
迎春仗已見鶯花徧
九霄

哭殤子 三首

連朝頻伏枕掌上失珠圓
妖夢經時踐愁思鎮日
牽暄寒添病態哀樂到中年
強學東門達低徊輒

泣然

一燈殘土銼五夜響陰風掩淚嗟
何及鍾情恨豈窮茫茫將改歲
冉冉已成翁不待西河泣雙眸在
霧中

華省同時客臨沂最有名 王阮亭亦喪子 傷心亦灑涕對景

總如醒殘月窺朝幌寒鴉噪晚城
含悽向山簡我輩豈忘情

寓齋小飲同潘孟升舍弟立齋 二首

晻靄金塘樹晴和柳市風不言
千里客暫喜一樽同
豪飲輸吾弟狂吟數禿翁未妨聽玉漏
宛宛月

一百九十
當

此地宜清嘯到門屐齒稀窓臨春水濶樓眺夕煙
微坐久看燈炮談深換袷衣繁花殊未發早為惜
芳菲

送座主孝感熊公省覲

孝感先生天人姿泰山巖阿長桂枝汪汪千頃標
襟期橫經身為帝王師九重聖德今媯義時
時召對銅龍墀殿高語細人莫知下朝雙籐當戶
搯焚香暝坐到日晡學也立雪間披帷難字進問
揚亭隈奧篇隱帙了不疑竊喜馬鄭親規隨先生

正色還相詆謂此章句胡爾為淵源當溯洛與伊
慎勿誤蹈荀卿疵小子再拜敢自隳擬策駑鈍煩
箝鎚一朝北堂勞夢思拜表屢頷天子頤建章

日影搖罽罽溫詔暫許還南陞鋒車刻日來休

遲 敕賜天殿飛龍騎珠鞍金絡光陸離道旁觀

者爭歔歔更聞上林果纍纍赤瑛盤為高堂遺緋
袍綵袖正相宜臣忠子孝兼得之古來盛事誰如
斯先生遭逢一何竒吁嗟乎先生遭逢一何竒白
華由庚龢笙詩

孫此瞻招同吳長庚嚴就思蔡石公徐方

虎飲李將軍園亭

宣武門西別業幽羣公載酒共銷憂石迴鸚鵡依
雕檻泉噴珠璣入畫樓倚樹詩成欣暇日看山人
醉坐深秋六龍正向榆關度留得陽和徧九州

連日天煖

似秋初

矍瑜藉草坐行觴孫楚高歌興欲狂祇訝官閒多
好句偏因歲晚惜年芳龍潭百尺澄寒影梅圃千
株逗早香帝里風光應戀賞連朝莫厭馬蹄忙

蔡石公招集天寧寺兼遊白雲觀

二首

籃輿攜伴愜幽懷古寺寒鐘景色佳開閣青山方

滿坐入門紅葉已翻堦清談不厭王濛茗枯坐真
同蘇晉齋會向射堂還秉燭知君不惜酒如淮

禪房

不設酒
故云

浮圖寶鐸半空聞仙觀還看傍白雲霜樹紺園鴉
自集巖花丹竈鶴依群碑鐫仁壽留千載蹕駐崆
峒記數君行樂祇應憑眺徧未妨徒倚到斜曛

宋蓼天先生招諸公集黑龍潭分得龍字

城南仙館問幽蹤陶穴人家路幾重古堞寒雲連
絕塞高壇深樹祀先農絳霄九奏看翔鶴碧甃千
年起蟄龍宴坐繩床無一事洞門餘靄落青松

再與諸公集龍潭同三舍弟作

祠宮檜柏儼成行躡屐還須到上方秋洗巒光明
絳闕霜吹木葉下銀塘壺樽偶設成佳節親舊相
逢即故鄉正擬題詩留石礪催人歸騎是斜陽

存菴招集玉皇閣得高字

崇臺臨廣陌別館俯平臯片水寒煙積千峰秋靄
高苑牆獵騎過津樹野鷗號落葉縈仙竈殘霞罨
客袍蒼然收塊莽靜若遠城壕旅鬢繁霜換流年
逝水滔得閒頻載酒乘興即揮毫公子江離佩佳
人金錯刀書鞭殊未已蠟屐不言勞莫忘城南飲

今朝意氣豪

贈歌者

柘枝舞罷憶家山落日長楸走馬還絲管春風急
相待莫因霜色損紅顏

桑乾歌送章含可左遷滎陽

桑乾之水接玉泉飛橋百尺虹霓懸公卿飲餞青
門外冠蓋紛馳古驛邊獨有蕭然襆被者落日南
征欵段馬都下曾懸呂覽書青徐向立藥公社一
官不達數偏竒八口飄零淚盈把吾聞滎陽近成
臯鴻溝割據爭雄豪靈源山帶金堤壯廣武城臨

汴水高勸君更酌紅亭酒離歌聽罷頻回首桑乾
車馬日夕多羨君高名滿人口

隴山歌送許天玉之官安定

隴山高高隴水流隴西六月如清秋蕭關朝那近
北地酒泉張掖連涼州諸葛戰爭餘故壘隗躡宮
殿成荒丘繡衣案部求名馬都護行營耀錦裘數
聲羌笛落梅怨一曲秦箏邊月愁許侯分符萬里
去欲行不行日將暮青門遙送隴山行目極輪臺
鳥飛處

次韻送李侍御召霖

二首

祖帳青門意渺茫繡衣今日向蠻方金臺北去音
書遠銅柱南來道路長吏議外遷中執法君恩
朝拜暮嚴裝久諳仕路風塵裏莫學離騷詠八荒
青旻榮路本微茫白水交情又各方顧我夢隨梁
月滿知君心逐嶺雲長不妨驄馬春辭國便有潮
雞曉促裝前席定知憐賈傅肯容才子滯遐荒

龍光塔次王仲山原韻

層層朱綴護香臺影落芙蓉四照開震澤煙光吹
不去西神峰勢引還來清秋羽翮盤高隼中夜星
辰宿上台金碧忽驚從地湧使君元是棟梁才

送錢葆馥舍人南還

青綺門前官柳疎故人欲別意躊躇非關張翰思
鱸膾自是潘安戀板輿驛路煙波三月舫清齋風
雨一床書家山莫便成留滯蚤晚承明待直廬

送周雪客次韻

二首

愁君方歲宴驅馬太行東憤脫飛觴際詩成擊鉢
中驛樓明凍雪野戍吼嚴風莫忘張燈飲羣賢此
夕同

高齋時擁鄰秋水在軒前門有嵇康駕囊無趙壹
錢庭幃方覲省祖帳暫流連春半秦淮漲還期發
畫船

座主宗伯龔先生招同司農石先生王襄

璞陳階六嚴就思孫屺瞻徐方虎飲黑

龍潭限韻

四首

並馬尋幽勝蹄翻雪後沙農壇依輦路藥圃欵仙
家冰泮靈池水春催別館花欣陪遊賞徧遲日未
西斜

連旬多雨霰今日是花朝駘蕩風初好微茫雪欲
消岡巒環鄣塞宮闕入雲霄極望 皇居壯徧令
逸興饒

佳會知難遇花朝況及辰寒醅香乍發時鳥轉方
新城角雲如幕庭隅月趁人元龍豪氣在躡履謝

平津

謂襄璩

終宴寧辭倦當軒玉宇清烏啼還岫憤燭跋尚飛
觥蕭散通人慮婆娑久客情刺蘼千樹發後會及
春晴

宋荔裳王西樵阮亭嚴修人米紫來汪蛟

門喬石林集寓齋分韻

二首

花飛當晝靜鶯語恰春殘藉有群賢至聊尋永日
歡看山常卷幔待月一憑欄莫惜留餘興京華此

會難

最是張燈飲掀髯興倍饒土風諷列國軼事說前
朝隱隱銀鈞沒遲遲玉漏遙停杯清嘯發意氣迴
雲霄

送周絨齋

才子聲名重石渠暫辭北闕意何如性耽猿鶴常
移疾家繞芙蓉好著書問我行藏憐鍛羽把君詩
卷惜離居片帆會過梁溪水霜葉千林照筍輿

送程周量出守桂林

五首

芙蓉細雨玉河清有客臨流正濯纓萬里一麾看

剖竹羣公三伏送行旌籌兵久軫巖廊畫視艸還

高省闈名知是 聖朝南顧切勞君匹馬勸春耕

省元文采重金門廿載升沈莫具論掩扇脩蛾辭

殿闕乘春海燕別華軒侍中誅筆傳三館周暹作

誅為 孝駕部詩名動九闈沈侍講常奏奪我鳳池休

嘆息由來領郡羨朱幡

瘡癘初銷五嶺春梅花處處引征輪官臨象郡初

持節家在珠江若比鄰愛子數齡看長大藏書萬

卷足清貧戢山周暹無恙烏皮几攜向衙齋對故人

越嶂連縣高插雲灘江日夕水聲聞碑鐫元祐憐

鈎黨桂林有地擁戈船舊駐軍卧閣祇須供嘯咏牙

門應已息紛紛政成好比顏光祿直削山王詠五

君

京國論文一紀周慣嘲熱客最風流覓君且過波

羅廟呼我同登文選樓常對綺琴逢黜黑未嫌越

語類鈎輶桑乾桂郡千餘里別酒盈觴不盡愁

送吳孟舉

紅塵十丈暗金堤送客離筵班馬嘶北地幾時逢

柳色青山歸路有鶯啼詩吟驛館傳新句席捲春

江向舊溪此去故人多錄別涿尊何處重相攜

送王異公

才名仲祖世應稀
匹馬東風出帝畿
別弟高吟傳瑣閣
思家清夢繞庭幃
春光雪後添新霽
寒食花前換袷衣
宣武門西一尊酒
不勝惆悵送君歸

題異公詩卷

四首

雪積春墀似掌平
擁爐兀坐到深更
把君詩卷挑燈讀
一夜風吹玉宇清

風格居然大曆年
思深略似李東川
自然清麗饒佳致
不用尋摹漢魏前

短髮毵毵太瘦生
禿衿小帽跨驢行
蘭亭一老方脩禊
愛子歸來五字成

曾陪祭酒共論詩
推數君才是白眉
若到梅村還問評
藥欄茶竈有餘悲

七夕蕤音招飲未
赴走筆代柬兼示顧放
亭

金溝柳色帝城秋
昨夜銀河會女牛
蟋蟀乍鳴風葉下
葡萄初熟露珠流
吟詩工數何平叔
愛畫癡惟顧虎頭
多病輸君良宴會
懷人只在曝書樓

赴京兆宴入棘闈
口占示蔡石公同年

聖世巍科錄異才
詞臣聯騎瑣闈來
春曹捧敕

羣官侍御路簪花京尹催九陌和風搖玉珮滿堂
 晴月瀉金壘三年兩度叨 恩宴庚戌臚唱日 諫京兆府 鳳闕紅
 雲首重廻

絕句 四首

三載前猶席帽生謬持玉尺忝司衡莫嫌燒盡三
 條燭曾聽高樓畫角聲

同時名姓徹楓宸羨爾螭頭作近臣謂石公 今日承恩
 來棘院不才還喜附清塵

沙街走馬整珠鞭騎省風流並少年最憶長楊陪
 戟者將隨行幄待溫泉憶此瞻諸同年

亭午傳籌禁鑰開大官供膳繡衣催中宵不用銅
 盤蠟應有珊瑚照夜來

入闈示分較諸君

敞閣深沈警柝聞如鈎新月澹秋雲金壺三點清
 宵靜樺燭千行鎖院分鸞掖乍辭攜禿管綺筵初
 歇帶微醺諸公衮衮皆時彥共把文章報 聖君

撤棘後贈葉元禮

之子南方秀本是凌雲姿清光滿滄海濯濯珊瑚
 枝年華艷朝日藻影臨清池風吹上金臺來奏刻
 羽詞豈惟傾側時人耳使我識曲情為移天馬驟

驪正驤首雪花散彩精權竒秣燕刷越超滅沒齧
膝不敢加金羈道逢良樂休嘆息明日追風空萬
匹人間遇合會有時暫放龍文豈終失君不見館
娃越女顏如花六宮膳粉徒咨嗟只言富貴當如
此誰信春江自浣紗

子房歌贈陳廣陵

子房五世相門子顏色綽約如佳人博浪沙中過
萬騎奮椎一擊圖報秦可惜副車還誤中日光黯
黯飛黃塵人事推遷復韜晦神龍泥滓蟄不伸圮
上老翁原異物滄海力士脫有神孺子殷勤跪納
履短衣濩落淮泗濱他日風雲邁時會鴻騫鳳翥
孰比倫丈夫遭逢詎有定貴賤反覆難具論酌酒
送君歌此曲寒風颯颯隨車輪

昭君詞送朱人遠

秭婦佳人好顏色眉画脩蛾鬢蟬翼長門晝靜永
巷閒禁樹深沈鳴促織漢宮多少紅顏人那得春
風都省識梧桐葉墜碧瓦霜條遣嬋娟向絕域吁
嗟乎朔雁寒風萬里悲箏篋邊音馬上吹由來薄
命都相似莫漫含愁怨畫師

再送元禮二絕句

亂雪飛飛青綺門如君漂泊復何論臨岐慚愧真
無語淚灑征鞍欲斷魂

兔苑繁臺我舊遊睢河如帶來城流懸知地主開

軒待孝伯還披鶴氅裘

葉赴睢州王公垂之約

題陳階六小照

當年諫草避人焚賜沐公餘樂事紛圖裏列眉多
偃月賦中留枕盡行雲賓朋北海尋常見絲竹東
山髯髮聞只恐飛樓空百尺未容高卧便輸君

伯母昌太夫人壽詩兼示兄敬菴吏部

壽母垂僖頌共姜錄衛風節高成子孝心苦誘天

衷黃鵠晨霜寡青陵夜月空千山迷白骨兩世屬

孤童虎尾灾親履春臺煖乍融收嶠魂竟反葬維

夢還同

後漢温序事

雛鳳當霄起神鵬絕漢腫淒其攀淚

柏辛苦念丸熊甲子新週歲艱危百鍊躬闡幽存

特筆獻祝託歌工大節光圖史精誠叶上穹何人

彈絕調冰雪在梧桐

座主合肥先生壽詩三十韻

手筆唐燕國風流晉謝公九重須篤弼五禮繫宗

工世係升沈數人知啓沃功名懸三島北身障百

川東磊落紆深眷綢繆効匪躬千秋歸運會一德

動昭融寒燠經 宸慮風霜入 睿衷臨軒學士

遣官敕御醫同

上命學士傳達禮醫官茹文珍視疾

宛曲隨三澣委蛇

信五總侵着陽氣上拜手主恩隆聽履螭頭表參

輿豹尾中高標披宿霧爽氣薄寒空立幟尊儒域

扶輪繼國風縹緗開虎觀琬琰照龍宮壁有王筠

賦杯無樂廣弓揮毫神獨王置驛興仍雄汲引寧

遺力聲華每發蒙消流同注壑弱翻早依藜感激

緣明義追隨負小忠顧深轅下駿恩甚爨餘桐玉

笋名重黍金閨籍濫通深知期刻鵠曲意獎雕蟲

壇坵收毛遂絃歌引戴崇秉心酬欸欸矢報愧夢

夢衣被忘寒暑吹噓到始終春隨灰律轉月入玳

筵紅數甲應同絳生申憶降崧文星環斗極劍氣

倚崆峒皓首非商老丹砂問葛洪功成餘壯節長

此荷帡幪

有贈

四首

城西輦路起芳埃院落深陰獨舉杯晦靄春光催

過半天邊冉冉玉人來

客歲聞砧月正圓禿衿小帽向離筵無端逐雁南

飛去閒却銀箏已隔年

游冶春風短簿祠張燈高唱合歡辭生來紅豆相

三百六
思種染作羅裙淚濕時
繁花如雪徧旗亭花下相逢醉醪醑一曲清歌雲
不散都人依舊識秦青

寄贈張螺浮都諫

直聲久已徹楓宸兩入梧垣領薦紳廿載封章真
諫議九齡風度本詞人共推大節高雙闕自有嘉
猷庇萬民早遣追鋒還左掖待公清切掌絲綸
斲于休假玩湖山春酒千觴駐渥丹弟姪不妨閒
賭墅羊何應許共登壇檜堪作楫皆遙望松欲爲
霖盡仰看四海蒼生方倚待幾時重著鷄鷄冠

贈錢宮聲

二首

明光賦草萬人傳入洛初看終賈年材比豫章須
作柱詞高清瑟未張絃行藏暫託漁樵侶品藻長
居俊及前欲遣雄心還運甓何勞鍊骨更求仙
與君束髮爲昆弟荏苒流年見二毛自笑子雲隨
陛楯多慚仲蔚伏蓬蒿群公薦牘推名姓使者徵
車建羽旄五十遭逢身未晚投竿先與掣連鰲

送喬石林中翰

廣陵秋色正蒼茫望裏濤聲接故鄉賜沐新乘青
雀舫能詩舊識紫薇郎歌來桂樹當筵發行處笑

三百四十一
卷五十一
子佩
峇繞岼香翻憶去年同瑣院熒熒華燭漏聲長

再送石林南還

秋霖十日餘綺陌涼颼動曲沼荒笑渠踈雲連螭
竦彼美駕南軒傾城涉陽送餞別感蕭晨驪歌悵
賓從嗟予苦無棕悵然睇飛鞚君本珪璋姿挺拔
堪世用筮仕登禁林阿閣巢鸞鳳昨歲入鎖闥扃
鑰連旬共展卷恣討論含毫互吟諷樺燭到更深
連宵廢清夢敢云羅梗梓庶幾謝愚瞽媿節非狗
名秉心實違衆薄青言路議深文吏議中予旣辭
玉堂君復奪清俸嶮巖行輒妨弓矰倦羽恐君念
白髮親咨嗟歎尸甕逝將歸射陂進止權所重聞
歌杜牧狂邀笛桓伊弄但知子舍歡何論官階壅
緬惟束皙詩白華足吟誦小人亦有母服勞行抱
甕吳淞杳靄溪林屋煙霞洞終辭世網牽詎作窮
途慟

御試大閱七言排律十二韻

菴藹韶光上苑開祥雲宛宛六龍來西山朝爽明
殘雪御路春和綻早梅駐蹕條風吹別館晾鷹旭
日照高臺朱旗橫蠹青霄上翠輦徐穿碧澗隈萬
騎羽林森虎豹千官帳殿列鄒枚指麾乍見旌霓

合馳驟初聽畫角催旋挽雕弓驚雁陣還調玉轡
引龍媒平沙暮捲塵如霧七萃雲屯響似雷五柞
賦成傳彩筆鈞天樂奏進金罍芳春三古蒐田禮
湛露千年宴鎬杯綽約羽旄霜仗動歲蕤曲蓋玉
鑾回小臣慚愧徒操簡何幸遭逢得預陪

喜仲弟彥和及第同三弟作

羣官侍立待臚傳仲氏還聽黃榜宣有弟蒙恩踰
一紀慚余擢第已三年簪裳舞蹈聞仙樂鼓蓋喧
繁入御筵所幸家門多忝竊酬知何惜薄軀捐

贈魏環溪侍御

魏侯抱至性道要集厥躬微言繼絕學森然振頽
風卓哉蔚州譽籍籍驅章逢歸流赴大海信是百
谷宗世道日去古斯人若鴻蒙君相憂人心詔起
丘園中昔批夕郎敕今騎御史驄丈夫得君時動
笏排丹楓發攄濟時策曩烈繼鄭公矢之自懸弧
祝爾羞雷同

贈陳脣倩

小儒不足為賢達古所稀我交天下士獨數先生
竒詩書見根柢涯涘安能知浩蕩極詞源江河注
于茲卓哉忠孝門富貴棄若遺澹澹金牛河何能

潛珠輝才名三十年結客皆俊者百爾埽折衷言
必中時宜蟬冕或盈廷何如大布衣夙昔仰止間
屹然山嶽姿頗沾薊門雪虬鬚已如絲一身備文
獻何當達所為漢廷求五更桓榮非異時

送杜子靜編脩

中禁詞臣憶故鄉滹沱春色曉蒼蒼家連赤縣朝
天近路轉紅亭引興長御柳吹絲隨馬勒宮花裁
勝上釵梁恩沾休沐逢人日不用題詩寄艸堂

送陸恂若隨梁大司農之廣州

尚書旌節粵南行後乘翩翩有陸生去日青門方
設餞到時炎海定收兵藥囊檢點銷蠻瘴詩卷封
題對旅檠會見從容車馬客交驩平勃重公卿

退谷孫先生招同王敷五陸翼王小飲因

出李文正吳文定諸公賞菊聯詩手卷
隨命各賦絕句追和昔人騎字韻

竹窻簾捲對烏皮插架圖書雜鼎彝艸就玄文從
客問養成白鶴教人騎

高臺日落動涼颼寥亮俄聞鐵笛吹便欲凌風生

羽翼六鰲直共列仙騎

是日登高臺

惜別紅燈照酒卮

余與敷五皆將去

消談玉屑最堪思他年

重過徵遺事街鼓鼕鼕款段騎

用西涯諸公韻呈退谷先生

蕭齋白髮散輕颺廿載朝簪掉首辭黃菊籬邊還
獨采青牛關外不須騎名山著作傳昭代館閣風
流記舊時玉軸摩挲頻太息酒闌燈地索題詩

贈侍御魏環溪先生

魏公宿望表君宗清節嶙峋萬仞峰經世才歸青
簡業回天力在皂囊封俗還虞夏功無讓樂在詩
書德愈恭帝里只今饒氣象不教三市鬪歌鐘

環溪先生招飲餞別次韻奉謝

星河晴轉露珠垂昔酒杯行惜別遲鄉思遠隨蘆
雁下宦情長似土牛騎白華元足勞勞夢菊醜黃
囊去去時惟有先生懷古處殷勤贈策記將離

用西涯諸公韻送顧見山赴洮岷

二首

燕山落葉捲寒颺共向津亭餞玉卮紫塞曲隨關
輔轉青驄驕稱使君騎山城片月明樓夜驛路寒
光被坂時獨羨野王開憲府風流三絕畫兼詩
蕭颯邊沙攪夕颺涼州樂府唱新辭能言鸚鵡行
軒聽異種駒駝案部騎隴阪錦裘深雪裏蘭山笳
吹曉霜時洮岷舊接西川路乘興還尋杜甫詩

贈別沈繹堂先生再疊前韻

玉堂蘭菊漾輕颺學士花磚艷雪辭當代為龍門
罕到 帝京有鳳醉能騎賜貂長樂承恩日給燭
明光草詔時最是休文懷彩筆蠻箋小疊寄新詩
秋深落葉滿寒颺握手先陳欲別辭燕嶺最憐鴻
已度揚州誰道鶴堪騎銀簫午夜朝回後玉樹千
山客醉時何日花前再相見茱萸細把共吟詩

殿聞偕諸公餞飲李將軍園三疊前韻

二首

名園高譙起涼颺鑿落斟來醉不辭花發綺園鸚
鵲舞月明廣陌驕驕騎蕭晨倦客將歸際勝餞群

公下直時記得前朝存軼事官街然燭夜聯詩

白袷單衫急暮颺承明從此拂衣辭穰種客訝仙
禽舞蜷蛄人憐病馬騎青綺門憐埽里日紅綾餅
憶拜恩時深慚鳳沼多仙侶滿袖琅玕送別詩

即事別舍弟四疊前韻

四首

愛弟晨衝楊柳颺牽衣惘惘不能辭籌時急作亡
羊補涉世休將猛虎騎南國人宗王仲寶東朝國
是鄭當時自然堅白無緇磷記取前賢勵志詩
碧天涼月動寒颺旅舍孤檠讀楚辭壁上画龍常
作雨門前銅馬不堪騎愚如杞國多憂日醉似中

山未醒時聞道柏梁傳雅唱
 舍人佶曲亦吟詩
 梧桐墜葉下微颺
 樂譜淒清長信辭
 齊國舊看瘤
 女貴庾公偏愛的
 盧騎鸚巢繡戶原無主
 花信文茵會有時
 皎潔可憐霜雪似
 閒吟紈扇婕妤好詩
 震澤波光漾夕颺
 白蓑漁父誦清辭
 橘中儘合攜
 枰住塞上寧悲失
 馬騎但假兵厨堪任達
 縱饒狗監豈逢時
 湖邊舴艋經行慣
 且覓王維畫裏詩

韓元少王季友二子送至柳巷口占賦贈

五疊前韻

柳市涼吹送客颺
 高吟二妙有新辭
 蒼龍曉闕聯

裾入朱雀長街並馬騎
 努力文章堪報國
 關情師友更憂時
 機雲山下餘茅屋
 驛信南來數寄詩

嚴蓀友姜西溟策蹇相送時各赴館幕六

疊前韻

綈袍秋晚入寒颺
 古寺松陰執手辭
 襍被但餘庭僕伴
 送行頻借蹇驢騎
 蕭騷嚴叟披裘意
 辛苦姜肱擁被時
 那有樊籠留鳳鳥
 低徊應諷五噫詩

留別高阮懷七疊前韻

涼秋九月動輕颺
 別爾何能置一辭
 才子雕龍徒自好
 仙人赤鯉幾曾騎
 霜天鉦鼓愁關塞
 山館煙

蘿換歲時異日故交憐太瘦謂愚莫嘲飯顆苦吟詩

值合肥座主家童有感 二首

淒清薤露不堪聞已抱銀箏別主君門客便看珠履散三天哀雁叫寒雲

華屋瓊瑜設讌時藏鈎記得酒行遲逢卿便作西州慟不用悲吟子建詩

惺園文集卷第五

